


中國大運河歷史文獻集成

37



主編 王雲 李泉

國家圖書館出版社

第三十七册目錄

河渠匯覽 中 清·張丙嘉撰

.....
一

假回籍著於歸途之便即會同高晉託庸前往該處相度情形
如有應行經畫之處即行奏明辦理

冬十二月戊戌諭崔應階奏請挑荆山橋舊河一摺所見甚
是東省南陽昭陽微山等湖匯為巨漫每遇水漲之時窪常遭
漫淹濟甯魚臺二屬適當下游之衝田廬所關綦重前曾特派
欽差同地方大員辦理朕上次南巡復經親臨閱視面諭河督
諸臣隨宜設法籌辦但橋畔河淤日增日積非大加興挑何以
去沮洳而資利導著派協辦大學士公兆惠於明歲初春馳驛
前往會同尹繼善葉存仁崔應階相度會議奏請興工崔應階
已於摺內批示不必來京陛見尹繼善亦著於新正計量日期
前赴荆山橋俟兆惠到日熟籌妥辦

甲申二十九年夏四月丙戌諭高晉奏籌辦雲梯關黃河下

游情形一摺所見甚是已於摺內批諭雲梯關一帶為黃河入海閘平沙漫衍原不應設立隄岸與水爭地而無織者好徇浮言或以上流清口洩水分數較多遇海潮盛時或不免意存顧慮因有子埏隄防之議殊不知清口暢洩其收利在下河州縣者不可數計至雲梯關附近不過阜甯安東二邑所轄地而以此衡彼其輕重大小不待智者而知即令一時偶值盛漲所侵溢者不敵百分之一二耳高晉當守其定見既知下游之制防一切毋庸置議並可信清口之展放無難永遠力持於水利民生實為大有裨益

乙酉三十年春二月己丑江南河道總督高晉奏清口木龍工程聖駕親臨閱視諭於四架木龍下緊對陶莊積土處添木龍一架俾挑溜全趨北岸衝刷陶莊積土收清黃並流之效臣

遵即勘明應於四龍下相隔一百九十大處添建擬長五十大
委員嚴辦趕伏汛前竣工得 旨是

閏二月庚戌 諭海甯石塘工程民生攸繫深慮朕懷茲入疆
伊始親臨相度先視繞城石塘實為全城保障而塘下坦水尤
所以捍衝石塘但今朝勢頂衝外沙漸刷二層之外若普築三
層於護城保塘尤資裨益該督撫等其董率所屬勦帑興修無
濫無浮以收實濟

秋九月癸巳河南巡撫阿恩哈奏豫省運河發源輝縣之百泉
南注三十里至新鄉縣坐河尖與丹水合又一百五十里繞衛
城北為亢漕水次又東北至濬縣會淇水達湯陰內黃受湯河
洹河二水迤邐至直隸大名縣張兒莊入臨清河前河撫諸臣
議於水次下游建草壩二十六座束水濟運並照東省挑淺查

夏秋盛漲無須收蓄一交冬令來源既涸夫派甚微糧艘開時
水落沙停草壩又屬無益不若於上游來源處先期蓄水臨時
放春夏兼灌民田自開兌至糧艘出境止堵閉民渠俾盡歸官
渠濟運每年官廳經理原議草壩請停修築至濬縣十八里溜
之三官廟老鶴背等處為善化山根石柱砂礮最為險要該處
鹽商業捐貲開鑿溜勢寬平其餘開斷浮砂應照舊例飭印汛
官於八九月集夫創挖報開

丙戌三十一年秋八月乙卯銅山縣韓家堂河溢

冬十月庚子 諭據阿思哈奏徐州韓家堂堵築漫口需用工
料業經陸續起運今據高晉等咨稱稽料已足敷用槩行停運
此項料物例應仍給民戶繳價歸款其路途之處礙難給還請
俟商酌妥辦一摺此皆高晉等原辦過當所致漫口需用工料

自當按照工程確數估計以濟急需則隣省辦運既易為力而
事係亦不致籌畫周章豈可蹈河工多備少用陋習令協濟省
分徒費採買辦運今阿恩哈請將近地稽料仍給還民戶路遠
者另行酌辦之處所議亦尚未妥協不知民間物料一經官辦
地方官即照時價給買小民已恐不能盡沾實惠若復將原料
給還令其繳價歸款則一出入耗損必多難保無吏胥藉端
中飽擾累勢所不免所有豫省停運工料除留該省備用外並
可撥山東河工儲為來年之用如再有多餘仍著解運江省備
工築不必給還民戶以示體恤閭閻之意嗣後凡有採買物料
官用有餘者均照此辦理著為令

壬寅命裘曰修等查看江南淮徐等處支河隄工
辛亥韓家堂漫工合龍

丁亥三十三年春正月庚寅 諭朕巡幸天津周覽河隄淀湖
示機宜永求畿輔民生利賴翠華臨蒞宜沛恩施所有經過
方及天津闔府所屬本年應徵錢糧著加恩蠲免十分之三
昭乘春布澤之意

三月乙丑朔 上閱子牙河隄 諭朕此次巡幸天津閱視波
河隄開按圖披覽內有千里長隄之三灘里起至格淀隄莊兒
頭上中間並無隄岸詢之該督稱向來未經辦理每遇淡水長
發地畝民居不無淹浸殊甚軫念本日朕閱看子牙河特命阿
里衮分道往勘據稱無隄處所東西約長十餘里其中閉有民
修堤埝被水衝缺數處每當雨水過多之年村民一二千戶地
畝千餘頃常被水患村民見有欵差前往踏勘築隄無不歡欣
踴躍僉云從此子子孫孫皆可永遠霑恩且隄內之地亦可盡

成膏腴實於居民有益等語從前修築格淀隄原為捍衛村民
今三灘里至莊兒頭十餘里獨無隄岸以資保障村民未免向
隅著交與方觀承再行詳悉相度接築長隄即覈實估計妥議
具奏尋奏接築隄自文安縣屬之三灘里千里長隄起至大城
縣屬之莊兒頭格淀隄止共長二千七百七十二丈頃寬一丈
六尺底寬五丈酌就地勢高五六尺不等需用土方估銀六千
九百五十兩零見飭大城文安二縣逐段興修務於汛前完竣仍
飭該管之子牙河丞天津道往來督察報聞

己巳 諭東西二波為畿輔匪萃清流之所邇年蓄蓄安恬宣
洩有藉近淀村莊土田泛溢無虞而菰蒲魚蟹之饒利賴於民
生者更大茲者春巡郊甸循覽河隄風艇乘流祥飈助順尤足
徵 神貺之昭宜建專祠用答 靈佑著該督方觀承卜地興

工特崇廟祀以示受 神報功之典尋奏霸州秦堡莊南臨玉
帶河西近于家村形勢爽塏建祠為宜計應建正殿前殿東西
配殿佛閣並東西廂房大門共三十四間 御碑亭一座左右
鐘鼓二樓石獅二座俟秋後興工得 旨嘉獎

夏四月庚戌 諭軍機大臣等前因閱視河淀情形見風河有
斷流之處於回鑾駐蹕南苑時令查勘上源疏濬以達河流今
據阿里衮等查奏圍河下游即為風河一畝泉下游即歸張家
灣運河俱應行開挖深通已有旨給發帑金及時修濬矣但此
二河下游皆係地方官應行經理之事聞其中亦不無淤淺阻
塞今上游既議修治而下游若仍聽其淤梗是尾閘不能暢達
疏濬水源亦屬無益著傳諭方觀承即派委明習妥員前往查
勘將應行開挖之處及時興工務使一律暢流以資宣洩仍將

勘估情形據實覆奏尋奏鳳河自南苑東南開口起經大興通
州東安武清各境其自南宮村至大清河口入北淀下游一律
深通南宮村以上漚水下注泥沙衝入每易淤墊一畝泉自南
苑東紅門開口起至張家灣入北運河水盛時未能暢注臣遵
旨率同明習工程之員逐段查勘鳳河自開至南宮村長二萬
一千一百二丈內大興境一百八十八丈通州境九十五丈武清
境七千四百七十三丈無庸挑挖實應挑河身一萬三千三百
五十四丈一畝泉自開口起至張家灣運河長六千九百二十
七丈河身本窄兼有瀆裁灣取直之處兩河均應展寬河面五
六丈底寬三四丈深五六尺不等共估帑二萬一千四百餘兩
見已派員分段興修得 旨嘉獎

六月甲寅山東巡撫崔應階奏查九河故道徒駭一支由雷化

縣入海向來運河異漲每資宣洩今地形轉高河身窄曲一時
難議興挑勘有舊河漫口河形徑二十五里南高北低地勢順
利於此間挑挖支河俾兩道分洩歸海較速茲於四月興工計
河長四千三百餘丈岸寬二十丈及四五十丈不等今河身窄
寬五丈五尺至十一丈不等深五六尺不等兩岸俱築新隄於
五月內一律工竣報聞

河渠匯覽卷

臣張丙壽敬編

己丑。乾隆三十四年。冬十月辛亥。諭軍機大臣等。據曹秀先奏。浙江餘杭縣南湖。久經淤塞。占墾民田。以致山水發時。杭嘉湖諸郡。易被淹浸。請敕地方官查勘疏濬。永杜水患。一摺。所奏甚為近理。餘杭南湖。既承天目山之水。以資杭嘉湖三府灌溉之利。所關甚重。自當令其濬洩得宜。俾無淤墊。乃因久未開濬。致令無識鄉民。因葑淤占墾。專利病鄰。止顧一隅。有限之熟腴。而阻三郡無窮之美利。於理既未平允。即以升科而論。歲徵不過一百七十餘兩。而一經山水驟漲。節宣無地。遂使杭嘉湖府屬窪下之區。多被淹浸。勢必分別蠲緩賑恤。所費何啻什倍。尤屬得不償失。其闡輕重權衡。較然可見。著傳諭永德既親往履

勘。悉心籌畫。如果湖田梗過水道。即當沒法。挑濬寬深。使下游各府。永藉灌輸利賴。並查明上南湖舊有之田。鄉民於何時侵占。因何報墾升科。詳悉清釐。妥協辦理。若該處形勢。不盡如曹秀先所言。或上湖之田。藝闢已久。無礙水源。則又不必盡棄民恒產。惟應將下湖。通身濬完。並量沒堰閘。使得容蓄。來源疏通。泉脈。於水利農田。兩不相妨。方為妥善。永德務須實力承辦。毋得稍涉粉飾。及為遷就調停之計。即將實在情形。據實奏聞。如或草率了事。將來或尚有滋害之處。惟於永德是問。所有曹秀先摺。並著鈔寄閱看。尋奏。南湖開自漢。素平間。舊有上下兩湖。上南湖地勢本高。前明淤漲成田。勢難濬復。下南湖承餘。枕上湖之水。西南一帶。有開墾升科田畝。占據湖身。應行清釐。至茗溪諸水。本不與南湖合。無關杭嘉湖三府水利。惟湖東沒有滾

塘壩內阜茨塘。關係餘杭民田。應加培補。請照紹興修葺南塘之例。按款出錢。官收民辦。得旨。如所議行。

辛卯三十六年春二月癸未。諭軍機大臣等。今日御舟過興濟橋。閱視大槩情形。似宜僅用減水石壩。不應更立橋座。該處河道本屬深通。當春令水發之時。底水猶然寬裕。以朕所御安福艦而計。船身受水約三尺餘。浮送尚屬便利。則江廣重運糧艘。儘足進行無礙。毋庸更資橋座。蓄常時既不藉其利。而一遇運河漲盛。橋口窄小難容。又有金鋼橋攔阻。不能立時宣洩。易致漫溢為虞。拆去橋座。改為減水石壩。使河流隨時暢瀉。自為因地制宜之道。且橋底見在高出河面約五六尺。若俟漲滿平水。方令減壩。其勢已違。或將舊有橋底落低數尺。改為滾壩。坦次耕蓬。並將下游引河及歧口入海處所。逐層疏導。俾成

之勢無稍壅滯。則較此特長水三尺。即可隨時由壩滾溜。慮積重運之或致膠舟。此工度不致虛設。昨楊廷璋因去夏雨水過多。運河浸溢。淹浸田廬。而與濟以下。更無減水之處。議於天津城西芥園左近。添設減水壩一座。以洩盛漲。朕昨親臨相度。尚覺其地距津城太近。不能經久無弊。因諭周元理詳悉勘度形勢。於上流另擇妥善之地。俟朕回鑾。再行閱定。今思此處若果宣洩得力。其上復有捷地。備或並照此一律妥辦。運河又有此兩壩。減水暢利。雖遇漲潦。不致全注下游。則楊廷璋所議芥園壩工。即不再添。似亦無礙。即如從前南巡時。閱視清口情形。因定五壩過水尺寸。河臣每歲或按水誌。展拆清口。以洩洪湖之漲。自後下河遂無潦患。頻年有收。較之前人斤斤於車運諸壩之節宣。不啻事半功倍。此非釜底抽薪之一明効大驗乎。